

CICIKOANBADIEGU

BULICINA FASO
Taanyenma - Findima - Teginma

GUVENEMA MASOAGINDO

BAALO KOANBALA TAANLI
JAGA DOAGIDIMA

(PP-G/TRANS N°026-2024)

Rimaliba Jan Emanuweli WEDARAWOGO

Li binli 2024 cilele o dana 31 Wagadugu dogu nni

Tinunga 1 bonmu 24 nni

Baalo Koanbala Taanli den kali Wagadugu
nani ban maani ki tiedi maama dana lele kuli,
alaalibu daali, li binli 2024 cilele o dana 31,
ki cili leeri 9 yogunu ki ban gbeni leeri 12 leni miniti 46.
Kapitenni Ibarayimi TARAWORE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

.

I. A JAGA

I.1. YAA KOANBADIEGU N DIIDI TI DIEMA TINBUONA, KOMININBA GOBIDIMA TUONA LENI LI GUUNLI

A Koanbala Taanli taa **jagiyenli** mi diema Polisinba leni Sandalimanba tuona gaanma bianu Bulicina tinfanminni.

Yaa balimaama n den taa li binli 2023, cimuu o 14 daali ke mi lanba tie n°032-2003/AN ki tuugi leni mi diema nni guudima, den maadi ke a Koanbala Taanli n guani ki taa li jagili ki diidi yaa sanbila n baa boagidi mi diema polisinba leni sandalimanba tuona gaanma bianu mi diema tinfanma nni.

Laa jagigili yaali n bua ke yaa balimaama den taa n tieni baa teni ke jakoandidiedilie kan yaa taa ki ye kaanyendu.

Ki teni laa jakoandieliediti n yaa taa ki tuuni kaanyendu n gbeni, mi diema Polisinba baa yaa tuuni yi dociami komininba nne ke Sandalimanba mo tuuni a dobila komininba nni.

Laa jagili taama baa teni ban fidi ki yaa gobidi laa jakoandidieliediti mi diema guunli po ki go teni a jakoanda n baa ki gaani ki cebini mi diema tingbanu kuli.

I.2. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

A Koanbala Taanli taa **tiwaankayenli** ke li tuugi leni bu miabu tuoma Faransi diema tondo Bulicina Faso nni dinma po.

A Koanbala Taanli tuo ke bi dini Matie DEKILERIKI wan tua Faransi diema tondo Bulicina Faso nni.

I.3. YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA

A Koanbala Taanli taa **tiwaankaana (03)**.

Li tiwaankakpiali (01) tuugi leni ban bogini yaa jagili ke li baa pa u sanu ban yaa gaani i ligi a tuontiamma soanma bi niba po yaa koanbadiegu n diidi i sani tienma leni a diegbenga maama kani.

Li boncanla laa jagili nni tie ki teni a tuontiamma soanma bi niba po yaa koanbadiegu n diidi i sani tienma leni a diegbenga maama tuona kani nani bu miabu sanbila tila tienma leni bu miabu sanbila tila kpaagima dianma n yaa pia i panpaani.

Laa jagili taama baa teni a tuona soanma bi niba po n yaa pia i panpaani nani li bali maama n bili maama lan go pugini yaa koanbadiegu n diidi i sani tienma leni a diegbenga tuona maama n baa ki yaa kuandi i ligi Baalo ligikpagu nni.

Li tiwaankalieli (02) tuugi leni ban bogini yaa balimaama ki tuo yaa panli ke Bulicina den ñii leni arabinba banko Afiriki diema loagu findima po (BADEYA), li binli 2024, cimuu o 30 daali Nayerobi po, Kenia diema nni ke li tie yaa ligi n baa todi Bulicina Faso n baa ki yaa kuandi yaa kpenkpenditiadi n ña arabinba diema leni Afiriki diema nni leni li ñandunli dogi kuli nni.

Laa panli ligi tuoma Bulicina Faso leni ban yi yaa banko BADEYA siiga pundi Ameriki ligi nni **dolaari 50 000 000** lani n tie **sefa ligi nni miliyaadi piilie n bilele leni miliyon kobimuu (k 27 500 000 000)**. Laa panli mayuli tie ki teni ti diema n yaa pia esansi kpama leni yaa kpama n ña petodoli nni kuli ke ki dunga mo go mani.

Laa panli ligi n sugini ki soani yaa tuona n tie na :

- ki kuani ki pugini yaali n bi kpa cili ki ye lan pundi **tonni 60 000** ñmaalitaa puoli kuli;

- ki teni yaali n ña petodoli kpama nni kuli n dagidi bi niba ki pundi baa li yaa wa 8%;
- ki wadi Baalo ligikpagu tugili lan pundi nani **miliyaadi 27,5 Sefa ligi nni** ne leni li panli yeni gbenma;
- ki pugini Bulicina diema tuonsoandiegu yaagu n kuadi yaali n yegi leni esansi kpama kuli **(SONABI)** ñuadi lan pundi **miliyaadi 19 Sefa ligi nni** ne leni li panli yeni gbenma.

A Koanbala Taanli tuo ke laa balimaaboginkaama n pundi Depiteenba kaanu kani.

Li tiwaankataali (03) tuugi leni ban bogini yaa jagili Bulicina Faso ligibuabuali ligi yi ke bi biliti yin yaa tuuni a tuona Yudaano, li tidianlo, li ligikubilo, leni yaaba n tie laa ligibuabuali tundikaaba kuli ñmapani n baa ñoadi maama po.

Laa jagili sugini ke yaa balimaama n den taa li binli 2023, cipiiga o 05 daali ke li lanba tie n°39-2023/ALT, i ligibilike ligibuabuali a tuona po cilima, li boginma , li tuona n tie maama leni li cenli ñamu po ke li go yegi leni ban baa bili laa ligibuabuali tuonsoanba ñmapani maama.

Laa jagili taama baa teni tin baa yaa mabilikaama po ke ti baa ñii ki yaa pa Bulicina Faso ligibilike ligibuabuali a tuona po tuonsoanba liigi yaaba leni mi bi tundikaaba cagili yaaba ñmapani.

I.4. YAA KOANBADIEGU N DIE TI BUUDI LENI O NISAALO N PIA YAA SANBILA TUONA, KI TUUGI LENI A TUONSOANJAANA

A Koanbala Taanli diidi yaa **balimaama n bogini** li guunli cagili mi diema nni tuona fuuli, yaa niba n baa ye li cagili yeni nni n baa yaa da maama leni li cagili yeni n baa yaa cuoni maama.

Laa balimaama yaama n ye li boginli nni sugini ke yaa balimaama n bili mi diema tibulo nni li binli 2023, piiga n cilie o 30 daali ke li lanba tie n°045-2023/ALT ki tuugi leni mi diema tibulo guari dianma, ki nan go doagidi li ñoamabonli 160.1 nni mi diema cagili li guunli po, yaa cagili n baa yaa gobidi mi diema n pia yaa nunlema i laabaali baama fuuli nni.

A Koanbala Taanli tuo ke laa balimaama n pundi Depiteenba kaanu kani.

I.5. YAA KOANBADIEGU N DIIDI BU KPAABU LENI LI YANWUBILI TUONA

A Koanbala Taanli taa **tiwaankayenli** yaali n tuugi leni bu kpaabu leni li yanwubili leni mi ñima nni bonfuoda wubili findima sanbili ban yi yaali « **Lijeeguoli Yantiali** » gagidibandima.

Li yanwubili leni mi ñima nni bonfuoda wubili findima sanbiyenli yaali n tie « **LiJeeguoli Yantiali** » taama tie ki teni bu kpaabu leni li yanwubili tuontaali paka n baa u gaapo. Laa yantiali go sugini ki teni bi niba n diedi bi yula leni libonjekaala baama po ki go wadi a tuonsoanjaana li bonjekaala baama fuuli nni, ki gbeni bu miabu yantianli bi niba nni.

Lijeeguoli Yantiali tienma baa todi tin pia yaala bu kpaabu leni liyanwubili leni mi ñima nni bonfuoda wubili po n pugini gi go teni bu kpaabu tuontaali n baa boginmoanma Bulicina Faso nni.

Laa sanbili tuona tienma baa cedi yaa yogunu n kpendi po bi niba n diedi bi yula leni libonjekaala baama po, ki go teni nilo kuli n pa o yuli bu kpaabu po, li yanwubili leni mi ñima nni bonfuoda wubili po, lan cuani a tuonmoana baama leni mi piama bi niba nni.

Lijeeguoli Yantiali pia **sanbilataa (03)**;

- **Li sanbikpiali (1) :** ki pugini li bonjekaala leni bu kpaabu leni li yanwubili leni mi ñima nni bonfuoda wubili tuona ñuadi. Laa sanbili mayuli tie ki teni li bonjekaala leni bu kpaabu leni li yanwubili leni mi ñima nni bonfuoda wubili tuona ñuadi n pugini gi go dagidi yaa yogunu kuli ke yuakuli mo baadi ki tuuni bu kpaabu leni li yanwububili tuona ki go baadi i tundimoani laa tuona sanbila nni.
- **Li sanbilieli (2) :** Bu kpaabu, li yanwubili leni mi ñima bonfuoda wubili tuontaana puginma. Laa sanbili sugini bu kpaabu leni liyanwubili tuona n findi ki go yaa pia ti ñuadi bi niba po li bonla lebidima nni leni u kpendu nni.
- **Li sanbitaali (3)** Li yantiali yeni gobidima leni li cenli ñamu. Li baa yaa tuugi leni « mi gobidima leni mi todima » ligitaali 080. Desiyonba baa kaani a caga ya n baa yaa diidi yaa tuona n tuuni Desiyon nni kuli.

Lijeeguoli Nunlema baa yaa ye mi diema kuli nni.

Laa tiwaankaali taama baa teni ban suagi ki yaa pegidi « Lijeeguoli Yantiali » sanbili bu kpaabu, li yanwubili leni mi ñima bonfuoda wubili tuona findima po.

I.6. YAA KOANBADIEGU N DIIDI LAAFIA LENI I KAANI DANGU TUONA

A Koanbala Taanli taa tiwaankayenli ke li tuugi leni bu miabu tuoma fidigo 1650 leni konselateri 110 daama, tugima leni bi kubima sanbila juogu leni leni yaaba n baa tuuni leni laa tuonsoantiadi bangima a logitodiena nni.

Yaa koanbali n diidi laafia leni i kaani ñangu tuona den baa yaa cagili n koani leni ban yi yaa yianu KOVIDI-19 yeni po fidigo 1 650 leni konselaterinba 110 ke li tie u yienu n baa cuani yaa kuugima tuonsoantiadi ti logitodiedi leni a tuonsoandietama ya n tuuni mi bebadima tuona ke panpaani baakuli ki ye po.

Yaaba n tagi ti tuonsoantiadi yeni siiga niyendo n baa tuuni leni li nunga Bulicina Faso n daa yaa tiadi. Yeni, yaali n baa ji yuandi ki biidi kuli baa baa mi ṅanbima hali bina piiga (10) po.

A Koanbala Taanli tuo ban teni ti tiadi yeni daama tuonli ne leni dana piita (30) bianu **SYNOVI SARILI** tuonsoanjaali ke li ligi pundi li ya wa **miliyon kobilie n piita n bilele n piitaa n tudaluoba (237 036 000) Sefa ligi nni**, li ya yabi mo **miliyaadiyendo leni miliyon kobiluoba n piiluoba n biyia n piinaa n piinaa n tudamuu n kobiluoba (1 669 045 600) Sefa ligi nni**.

Li ṅanduli kuli bankiciamo n baa ṅani laa ligi.

I.7. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA

A Koanbala Taanli taa **jagiyenli** ke li tuugi leni yaa jagili n den taa li binli 2014, cilele dana 10 daali ke li lanba tie n°2014-590/PRES/PM/MICA/MEF/MME ki tuugi leni Bulicina Faso tinga nni bonpiakaala tuonsoancagili (SOPAMIBI) cilima po lebidima.

Laa jagili tie yaa jagili n den taa li binli 2014, cilele o 10 daali ke li lanba tie n°2014-590/PRES/PM/MICA/MEF/MME ki tuugi leni yaa tuonsoancagili n baa yaa faami Bulicina Faso tinga nni bonpiakaala cilima.

Ki teni ban baa yaa gaani yaa ligi n ṅa ki tinga nni bonpiakaala kani n pugini Baalo ligikpaagu ligi, Bulicina Guvenema den taa li jagili li binli 2024 ki cilini Baalo tuonsoancagili yaali n tuugi leni mi diema tinmu nni bonpiakaala tuona (SOPAMIBI). Hali laa tuonsoancagili n kali yaa jaga n baa teni a tuona n baa ki yaa tuuni naa ta.

Yaa lebidima n yuandi ki tieni moala nna ki tinga nni bonpiakaala tuontaana po teni ke yaa balimaama n den ye ki tinga bonpiakaala tuona cenli ṅamu po lebidi

ke laa bonla kuli doagi Guvenema yantiananli mi findima ñiali po. Li yaapo, li tie tilade mi diema n yaa pia yaa tuonsoancagili n die li yuli ki baa yaa gobida a tuona nani u kpendu balimaama n bili maama.

Mi diema tinmu nni bonpiakaala tuona tuonsoancagili (SOPAMIBI) tuontiamat tie ki pugini bi niba yankuali ki tinga nni bonpiakaala tuonsoancaga po, ki teni mi diema tinga nni bonpiakaala tuonsoancaga n findi ke tuonsoancagili kuli mo pa li bancanli.

Li boncanla laa jagili lebidima nni tie ke bi baa pugini SOPAMIBI yeni tuona paalu, ki sieni cain yaa tuona n yegi leni i janbi mo.

Laa jagili taama baa teni Bulicina Faso tinga nni bonpiakaala tuona tuonsoancagili tuona n yaa cuoni ki go teni ki tinga nni bonpiakaala n koangi yaa ligi n todi Bulicina Faso loagu leni mi diema yema n findi.

I.8. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

A Koanbala Taanli taa **jagalie (02)**

Li cicijagili tuugi leni Bulicina Faso tinga nni bonpiakaala tuona tuonsoancagili (SOPAMIBI) cenli ñamu mabilikaama tuoma.

Laa jagili taama baa teni Bulicina Faso tinmu nni bonpiakaala tuona tuonsoancagili (SOPAMIBI) n baa yaa malimaasienkaama n baa teni li tuona n yaa cuoni nani yaa balimaama n den taa li binli 1999, piiga n cilo dana 6 ke li lanba tie n°025/AN, ki tuugi leni a tuonsoancaga ya n baa yaa kuandi mi diema nni ligi cenli ñamu po.

Li jagilieli (02) tuugi leni Tapariko wula tuonsoancagili fanma wadima leni laa tuonsoancagili tuona tila guari pandima.

Yua n tie moala na Tapariko wula gbima tuonsoancagili yeni nani li guunli paka n yabidi maama po, naa ji fidi ki tuuni ban teni o yaa faanma yeni kuli nni. Laa paka po, Tapariko wula gbima tuonsoancagili yaali n baa u sanu ki tuuni yaa fanma bianu n pundi **km² 670,82**, sugini ki wadi o fanma nani **km² 488,71** bianu, ki yaa ji tuuni **km² 182,11** fanma bianu nni.

Yaali n pugidi tie ke Tapariko wula gbima tuonsoancagili tuona tili baa pundi li dana bianu li binli 2024, cinii, o 04 daali. Li yaapo, li tie tilade laa tili n guari ki pandi binamuu (05) po. A binmuuda yeni nni, ban baa fidi ki ñani yaa wula baa bua ki pundi **tonni 7,626**.

Laa wula gbima tuonsoancagili n baa fidi ki kuani yaa ligi Baalo ligikpagu nni baa tie **miliyaadi piiluoba n yendo leni miliyon kobiya n piiluoba n yendo n piiga n tudanaa n kobinaa n kumuunii leni falini bonbilie (61 961 014 408,2) Sefa ligi nni.**

Yaali n tie laa wula gbima tuonsoancagili n baa todi yaa ligi mi diema tinmu nni bonpiakaala ligikpaagu nni mi findima sanbila po tie **miliyaadi bonbitaa leni miliyonni kobiga n piina n bonbinaa n kobiga n tuda piimuu n kobimuu n piiluoba n kuumunii leni falini yendo (3 149 150 568,1) Sefa ligi nni.**

Moko, laa wula gbima tuonsoancagili baa cuani a tuona ki pugini yaa tuona n bi kpa ye lan teni mi diema maabila n baa yaa tuona n pundi 548.

Laa jagili taama baa teni Tapariko wula gbima tuonsoancagili n baa ki pandi o tuona tili.

II. I LAABAALITENKE

II.1. Yaa koanbali n diidi desiyonba taanisoanma ke o tie yua n da gaa yaa koanbali n die ti diema leni dietoama siiga tuginma tuona leni ti diema niba yaaba n ye dietoama maama kaanu den puni a koanbala taanli **laabaalilie (2).**

U laabaalikpialu wangi ti diema Bulicina Faso n kali li nandunli Taancianli yaali ke li den tie 2024 ciluoba o dana 27 ki yaa caa o dana 28 Sangayi dogu nni Sinni yaa diema nni.

Li nandunli Taancianli tie yaa taanli ke u cogu tuonsoandiegu li nandunli nni yaagu n ye Sangayi dogu nni bogini leni Sinni cagili todima , Afiriki cagili leni i ligi tuonsoanjaana li nandunli nni todima.

Ti diema Bulicina Faso kalima laa taanli ki tuugi leni li nandunli cogiciami todi ke bi kpaagi ki loli ku danligu li nandunli nni Afidiki findiwaagima po ki go pugini o taanisoanma leni Sinni diema ki ban cie yaa sanbila n tie ne niinni: politiki, ku maasuagu, u cogu, u loagu leni ti gaanilindima.

I laabaalilieli kani, li waani yaa koanbali n die ti diema leni dietoama siiga tuginma tuona leni ti niba yaaba n ye dietoama siiga tuginma tuona goandima Malabo dogu nni Gine Ekuatoriyali diema nni n cuoni maama.

Laa goandima siiga, yaama n den tieni 2024 cilele o o dana 10 ki gedi o dana 11, ti diema Bulicina nicagili den boni leni leni Gine ekuatorial bado Teodoro Obiangi **NGEMA MBASOGO** leni Gine Ekuatoriyali koanbali yua n die bi diema leni dietoama siiga tuginma tuona.

Laa goandima todi ke bi waani ti diema Bulicina Faso tuginma leni Gine Ekuatoriyali tuona n cuoni maama ki go taani leni yanyenma ki soani ki pugini laa taanyenma bu kpaabu leni u kpendu yaa sanbila nni. Laa taanisoanma go todi yaa ke bi boni yaa tuonli n yegi leni Sayeli Dogi Tuginma (AES).

Li nicagili tuguni leni laa goandima ki kali ki boni leni ti diema niba yaaba n ye Gine Ekuatoriyali diema nni.

II. 2. Yaa koanbali n diidi u gbannansaagu jeliti tuona leni bi nipanba leni a tuona maama yua n da gaa yaa koanbali n diidi todiyaba, mi niñigbadima, u taayienu leni ku diegu yema tuona waani a koanbala taanli yaa laabaali n tuugi leni guvenema tonda ke bi gedi Niangoloko ki tuugi leni Bulicina Faso diema niba 173 yaaba ke bi den deli ki ñani ba Kodivuadi diema nni.

Yaa cagili n tuuni u gaapo (mi faabima) tontoni nni leni mi guaṇanbima po (CODESURI) Niangoloko depatema nni den gaa laabaali (den bandi) ke bi deli ki ñani ti diema Bulicina Faso niba kobiga n piilele n bonbitaa 173 Kodivuadi tinga nni. Ti diema yaa niba ban deli ki ñani yaaba yeni, ban yi yaa tataancagili TON yeni n den gaa bi cangu ki kubi ba bikani.

Ki tuugi leni yaa cagili n tuuni u gaapo (mi faabima) tontoni leni mi guaṇanbima po (CODESURI) resion nni cagili gobidima po, yaa tuonsoanba n ye likani den jaligi ki laa ban baa tieni maama ki todi ti bàà diema naataani.

Laa todima tie:

- ki buu yaa niba n yia;
- ki bogini u kaanu; asosiasion TON fanma nni ;
- ki todi yaa niba ke bi deli ba yeni leni li yantiali tundi;
- ki bogini u yekaanu guunli.

Yaala n tuugi yaa cagili n tuuni u gaapo (mi faabima) tontoni leni mi guaṇanbima po, guvenema go todi laa niba leni mi jiema, ti duankaadi leni ku ṇangu tiadi.

Li boeli siiga ban deli ki ñani yaaba liiga yaaba tuondi ti diema Bulicina Faso guvenema leni ban bogini ki gaa bi cangu maama ki go waani ban laa yaa fala Kodivuadi tinga nni ki ban cie bi piama yaama n bia leni bi yandi ke likuli baa fidi ki pundi yandi 659.

Bi paka waanma puoli yaa maguankaama n ñani, guvenema tonda waani ti bàà diema naataani ke li bonla kuli bogini ki bi baa todi ba ki go todi bi piama yaama n bia n guani leni bi yandi yaadi ki ye Kodivuadi yeni.

III. BAN DINI YAABA A BALA

III.1. BAN DINI YAABA A BALA TUONCELI PO

A. BULICINA FASO BADIDIECIANGU KANI

- **BADOLO** pua ke bi yi o Kantoro Eñiabie Sirili **GANU**, ki tie mi yema tuona tuonbongilo, dini li bali ki tua Bulicina Faso Tondo Romi po, Itali diema nni.

B. YAA KOANBADIEGU N DIE I LAABAALI, KU MAASUAGU LENI YANLUADI GOADA TUONA

- Mokitaari **SANFO** o lanba li tuonli nni tie **117 275 J**, ki tie ti maasuagu boginma tundikoa, dini li bali ki tua Gobidikoa ban yi yaa boginli « maasuagu 039 », ki taani leni wan go tie ku maasuagu yaa Yudanciamo.
- **ILIBUDO** pua ki yi Moniki **WEDARAWOGO**, o lanba li tuonli nni tie **212 190 U**, ki tie yanluadi goada tuonboginlo, dini li bali ki tua Gobidikoa ban yi yaa boginli « Yanluadi goada 040 » ki taani leni wan go tie ti yanluadi goada yaa Yudanciamo
- Yidimale Fidediki **SOME**, o lanba li tuonli nni tie **98 284 G**, ki tie i laabaali tenma tuona bando tundikoa, dini li bali ki tua Gobidikoa ban yi yaa boginli 046 « I laabaali tenma » ; ki taani leni wan go tie i laabaali tuonbuoli yaa Yudanciamo.
- Manburu **SOMA**, o lanba li tuonli nni tie **225 862 X**, ki tie ku maasuagu tuona tundikoa, dini li bali ki tua Yudaano, i ligi tuonboginli 047 « mi gobidima leni **EMISEKATI** todima tuona po » ki taani leni wan go tie a tuona bogina n cuoni maama yaa Yudanciamo.
- Somayalima Berenge **KUNKORIGO**, o lanba li tuonli nni tie **200 492 X**, ki tie bi niba leni a tuonjaana gobidima bando, dini li bali ki tua

bituonsaonba tuonboginlo mi niboandiema masuagu nannanmoana (SERAVI/AFIRIKI) liiga yua.

**C.YAA KOANBADIEGU N DIE TI DIEMA TINBUONA,
KOMININBA GOBIDIMA TUONA LENI LI GUUNLI KANI.**

-Ayisata Anselina **TALIWALI**, o lanba li tuonli nni tie **104 429 K**, ki tie Baalo tiboginciamo, dini li bali ki tua mi diema Santiri Desiyon;

- Mokitaari **ILIBUDO**, o lanba li tuonli nni tie **238 025 V**, ki tie Baalo tiboginciamo, dini li bali ki tua Kuritenga porovenso Ho Komiseeri ;
- Feridina Wensesikilasi Yicinbalo **N'DO**, o lanba li tuonli nni tie **303 943 M**, Baalo tiboginciamo, dini li bali ki tua Kuritenga porovenso tidianciamo.
- Aluuna **KONBASEERE**, o lanba li tuonli nni tie **260 036 X**, ki tie Baalo tiboginciamo, dini li bali ki tua Kuruwewogo porovenso tidianciamo.
- Dawuda **GANO**, o lanba li tuonli nni tie **200 304 T**, ki tie Baalo tiboginciamo, dini li bali ki tua Seno porovenso tidianciamo.
- Sakalia **NEYA**, o lanba li tuonli nni tie **105 195 K**, ki tie Baalo tiboginciamo, dini li bali ki tua Sunmi porovenso tidianciamo.
- Sulemaani **NABALUNMI**, o lanba li tuonli nni tie **105 192 Z**, ki tie Baalo tiboginciamo, dini li bali ki tua Yaga porovenso tidianciamo.

- Balayima **KONE**, o lanba li tuonli nni tie **98 007 F**, ki tie Baalo tiboginciamo, dini li bali ki tua Muwuni Desiyon guveneeli tuonli kani tundikoa, yua n tugi bi niba taayema hamu faabima leni yaa boginli n baa todi mi janjanma n da ye mi niyoma siiga;
- Mwiniana Metiyori **SOMIDA**, o lanba li tuonli nni tie **260 022 E**, ki tie Baalo tiboginciamo, dini li bali ki tua Kasikaadi Desiyon guveneeli tuonli kani tundikoa, yua n tugi bi niba taayema hamu faabima leni yaa boginli n baa todi mi janjanma n da ye mi niyoma siiga ;

D.YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA

- Mamadi Etieni **JALO**, o lanba li tuonli nni tie **228 774 Y**, ki tie Baalo ligibuabuali gobikoa, dini li bali ki tua Canbaa, yua n baa yaa diidi a tuona n pia yaa paka ti tuonsoandiedi nni.
- Kuabiye **TIYAWO**, o lanba li tuonli nni tie **91 241 M**, i ligi tuonboginlo, dini li bali ki tua Porese 2 Goandikoa, ki baa yaa moa mi jiema boginli taanma Sayeli nni (P2-P2RS).

E.YAA KOANBADIEGU N DIE TI BUUDI LENI O NISAALO N PIA YAA SANBILA TUONA, KI TUUGI LENI A TUONSOANJAANA

- Daamaani **MUAYENGA**, o lanba li tuonli nni tie **97 552 Z**, ki tie bujialo, dini li bali ki tua Goandikoa yua n baa yaa faami li bujiali cenli fuuli.
- Sulemaani **KERE**, o lanba li tuonli nni tie **130 452 E**, ki tie juju, dini li bali ki tua liiga yua, yua n baa yaa gobidi ti buudi sanbila tila.

- **BADO** pua, ki yi Eñoma Pasikali **BANBARA**, o lanba li tuonli nni tie **130 471 V**, ki tie juju, dini li bali ki tua liiga yua, yua n baa yaa cangi ki go todi yaaba n baa a paka li bujiali kani.
- Sugilinooma Odolan **KAFANDO**, o lanba li tuonli nni tie **92 606 F**, ki tie ku kpaadidiegu Goandikoa, dini li bali ki tua Baporo kpaadidiegu kuanu kani liiga yua.

**F. YAA KOANBADIEGU N DIIDI A COGIBIGBENGA COGU
LENI MI BANCANMA LINGINMA TUONA**

- **LENGANI** pua ki yi Ajalatou **SAWADIGU**, o lanba li tuonli nni tie **046 543 U**, ki tie mi lingima bando, dini li bali ki tua a tuona puogili gobidikoa ;
- Sekiba **TADINAGIDA**, o lanba li tuonli nni tie **43 871**, ki tie mi lingima bando, dini li bali ki tua a tuona puogili gobidikoa ;
- Nomaan Abiduli Asisi Vensan **YELBI**, o lanba li tuonli nni tie **324 689 D**, ki tie Baalo tiboginciamo, dini li bali ki tua Inivedse Yenbila Abidulaye TOGIYENI (UYAT) kani tidianciamo.

III.2. BAN DINI YAABA A BALA A TUONJAANA YELI PO

Li taanli nɔadi leni li badinli a tuonjaana nni :

- Yaa tuonsoandiegu n todi bi puoba leni i ligi u kpendu (FAARIFI) kani yaa koanbadiegu n diidi toriyaba, mi niñingbadima, u taayienu leni u diegu yema tuona yeli po;
- yaa tuonsoandiegu n todi u kpendu tuonjaabila leni li tuonjaaciamama leni i ligi (AFIPE-PEME) kani yaa koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma yeli po ;
- Bulicina sani ligi yi n ye celi tuonsoandiegu kani yaa koanbadiegu n diidi i sani tienma leni a diegbenga maama yeli po.

Li Taanli go dini li bali a tuona gobidikaaba liigiyaaba yaa tuonsoandiegu n todi u kpendu tuonjaabila leni li tuonjaaciamama leni i ligi (AFIPE-PEME) leni Bulicina sani ligi yi n ye celi tuonsoandiegu kani.

A. YAA KOANBADIEGU N DIIDI TORIYABA, MI NIÑINGBADIMA, U TAAYIENU LENI U DIEGU YEMA TUONA

Li Taanli taa **jagiyenli** ki dini li bali o joa Barama **DAWO**, o lanba li tuonli nni tie **230 010 X**, ke o tua baalo tondo a tuona gobidima po yaa tuonsoandiegu n todi bi puoba leni i ligi u kpendu (FAARIFI) kani, mi tagima tuonsoandiedi findima, u kpendu tuona leni u nuu tuonsoanbanma koanbadiegu yeli nni li bakpiali po binataa (03) siiga ; o lebidi Nufu PITURAPA.

**B. YAA KOANBADIEGU N DIIDI MI TAGIMA TUONSOANDIEDI
FINDIMA, U KPENDU TUONA LENI U NUU
TUONSOANBANMA YELI PO**

Li Taanli taa **jaga lie (02)**.

Li jagikpiali goa ki pandi o joa Pindabanba **NABALUNMI** bali, o lanba li tuonli nni tie **55 749 L**, o tie Baalo ligidiegu goandikoa, o baa tie baalo n gandi yua ti diema loagu, i ligi leni a tuonboginkaana koanbadiegu yeli po yaa tuonsoandiegu n todi bi puoba leni i ligi u kpendu po (FAARIFI) kani binataa (03) po mi juodima.

Li jagikpiali goa ki pandi o joa Pindabanba **NABALUNMI** bali, o lanba li tuonli nni tie **55 749 L**, o tie Baalo ligidiegu goandikoa, o tua a tuona gobidikaaba liigiyua yaa tuonsoandiegu n todi u kpendu tuonjaabila leni li tuonjaaciamama leni i ligi (AFIPE-PEME) kani binataa (03) po mi juodima.

**C. YAA KOANBADIEGU N DIIDI I SANI TIENMA LENI A
DIEGBENGA MAAMA YELI PO**

Li taanli taa **jagataa (03)**.

Li jagikpiali dini yaa niba n nua ne ban tua a tuona gobidikaaba Bulicina sani ligi yi n ye celi tuonsoandiegu kani binataa (03) po mi kpiama.

YAABA N TUA BAALO TONDA

Yaa koanbadiegu n diidi i sani tienma leni a diegbenga maama yeli po:

- Mumuni **ILIBUDO**, o lanba li tuonli nni tie **216 124 W**, o tie li tanmaali tuonbando.

Yaa koanbadiegu n diidi ti diema loagu, i ligi leni a tuonboginkaana :

- Seyidu **BAARO**, o lanba li tuonli nni tie **96 911 K**, Baalo ligi tuonsoandiedi tuona gobidikoa.

-

YUA N BAA LI BALI BULICINA SANI LIGI YI N YE CELI TUONSOANDIEGU TUONSOANBA YELI NNI

- Hibeeri **SAWADOGO**, o lanba li tuonli nni tie **22 P 01 79**, i sani bancangaalo.

YUA N BAA LI BALI A KPENKPENDA LENI MI TAGIMA TUONSOANDIEDI YUDANBA CAGILI YELI NNI

- Mahamadi **KUSUBE**, o tie tuonjaali yudanciamo, o lebidi Isaka **KARIGUGU**.

Li jagilieli goa ki pandi Kasumi SINPORE bali, o tie mi tugima biadanba cagili (OTARAFI) yudaano Bulicina Faso nni, ki baa tie a tuona boginkoa bulicina sani ligi yi n ye celi tuonsoandiegu kani, mi tugima biadanba caga Bulicina Faso nni yeli po binataa (03) siiga mi juodima.

Li jagitaali dini li bali Monsieur Mumuni ILIBUDO, o lanba li tuonli nni tie **216 124 W**, o tie tanmaalo bando, ki tua a tuona boginkaba bulicina sani ligi yi n ye celi tuonsoandiegu kani liigiyua mi kpiama binataa (03) po.

Guvenema Masoagindo

Tinunga 23 bonmu 24 nni



www.sig.gov.bf

Le Porte-parole du Gouvernement,



Rimalba Jean Emmanuel OUEDRAOGO

Officier de l'Ordre de l'Étalon

Rimaliba Jan Emanuweli WEDARAWOGO

O baa Baalo jaandi leni Tanjoa maalima

Tinunga 24 bonmu 24 nni